



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Epistola Episcopo Placentino.

urn:nbn:de:hbz:466:1-10502

ho edito in Synodo prouinciali quinta indiximus, hoc anno die decimo mensis Maij, de more in Basilica nostra Metropolitana habebimus. His igitur nostris literis, vos ad illud inuitare volumus. Quare aliquos certos procuratores ad constitutam eam diem huc mittatis licet, qui & ipsi presentes in Concilio adsint, & nos instruere ijs de rebus possint, quæ ad vos, vestrumque Capitulum aliqua ratione pertineant. Valete in Domino. Dat.

EPISTOLA

Ad Reuerendos testes Synodales.

Reuere. & dilecte in Christo. Superio ri proximo Concilio quinto te de legimus, qui in ista Diocesi N. Synodi prouincialis sextæ, quæ hoc ipso anno 1582. die decimo mensis Maij futura est, causa, testem Synodalem gereres. Quare his literis te monitum esse volumus, vt cum ad decretorum, quæ de testibus Synodalibus in Concilio prouinciali quarto edidimus præscriptum, in omnem istius officii curam incumbas, quo oportet diligenti sinceroque studio; tum etiam quidquid pia ista tua opera accurataque solertia inuelligando perspexeris, quod aliqua opus habeat correctione, & reformatione, id omne rectè atque ordine notatum, ad nos duobus ante statam Synodi prouincialis future diem mensibus (id quod etiam eodem quarto charitati tuæ præscriptum est) mittas. Agere autem debes cum R. D. N. quem alterum testem synodalem istic in vrbe N. delegimus, vt constituta die vnus vestrum præsens in Concilio omnino adsit, eam coram relaturus, quæ sanctè iuratus, nobis interrogantibus respondere debet. At verò vbi inter vos fortasse non consentientes, aut ancipites in deliberando eritis, vter vestrum ad Concilium accedat; tunc ambo planè accedatis, id præstaturi, quod Decreto prouinciali vobis præscripsimus. Et quoniam fortassis adhuc iusiurandum, quod ex Decreto prouinciali præstare debes, minime præstitisti; Ideo abs te illud ex præscripta formula istic Reuerendiss. Episcopo tuo N. præstari iubemus; cuius

rei facultatem literis nostris dedimus atque impartiri sumus. In istius verò synodalis officii munere, quod charitati tuæ commisimus, si fortè nullum adhuc tempus posuisti, tuæ partes sunt, cum illud tam religiosè præstare debeas, in præsentem curam eo diligentiorrem adhibere, vt accurato & opportuno studio illius partes expleas. Quod charitatem tuam facturam esse speramus & confidimus. Vale in Domino. Mediolani die &c.

Eadem quoque epistola scripta est ad testes synodales vrbis ac diocesis Mediolan. ijs ommissis, quæ de eorum altero vel vtroque ad Concilium venturo, itemque de iusiurando præstando mox supra posita sunt. Ab ijs verbis scilicet; Agere autem debes, vsque ad finem.

Epistolas item singulas ad Reuerendissimos Episcopos Cremonensem, & Bergomensensem pro concionibus habendis in 2. & 3. sessione, & Reuerendissimo Episcopo Alexand. pro concione mortuorum, huius sententiæ scripsit.

Reuerendissime Domine. Exploratum nobis est, concionis, quam ab Episcopo prouinciæ in N. Concilii sessione haberi decreuimus, munus ab Reuerendissima Amplitudine tua posse, & virtutum episcopali studio, & rerum ecclesiasticarum vsu doctrinaque egregiè præstari. Quamobrem episcopali charitati suæ hanc curam dandam statuimus, vt latinam eiusmodi orationem concionemve paret, quæ sanctioris disciplinæ institutis atque officiis exculta, quæ vberimos ope diuina fructus afferre possit synodaliū actionum. Id igitur munus pro religiosi animi sui zelo vt diligentissime suscipiat, magnoperè ab Amplitudine T. Reuerendiss. postulamus, cui & Deo omnem cœlestis gratiæ cumulū precamur. Mediol. non. Februarii 1582.

Episcopo Placentino in aliam sententiam literæ fuerunt scriptæ, & per certum notarium missæ in hanc sententiam vz.

Epistola Episcopo Placentino.

Carolus &c. Reuerendiss. Domino D. Episcopo Placentino salutem in Christo Domino. Synodum prouincial-

lena

lem sextam, quam Metropolitana nostra auctoritate in Concilio superiori Prouinciali quinto, decreto promulgato atque edito indiximus, hoc anno adiutrice diuina misericordia die decimo mensis Maij de more celebrabimus. Quo cōstituto & præfinito die, & si non dubitamus, quin Amplitudo T. Reuerēdissima, pro eo, quod eius prædecessor Cardinalis Tranensis Metropolitanum Mediolanensem semel elegit, in cuius Prouincialem Synodum, vt Tridentino Decreto sancitum est, conuenire deberet, eiusque electionis ius deinceps Cardinalis Placentinus qui successit secutus, Conciliis nostris prouincialibus interfuit; præfens etiam ipsa pro suæ pastoralis curæ ecclesiasticæque disciplinæ zelo, Synodo huic sextæ prouinciali à nobis indictæ ad futura sit; tamen his quoque literis illam requirimus, vt ad constitutam diem adesse omnino velit. Quòd si iusta aliqua necessitas fortasse impedierit, quominus debitum hoc munus ipsa per se obire possit; prætermisisti huius officij causam rationemque scribat, tum ecclesiasticum hominem mittat, qui nomine suo recipiat, quæcunque in conciliaribus acta, gesta, decreta ve à nobis erunt. Deus Amplitudinem tuam Reuerendissimam diu benè valentem omni cælestis dono gratiæ in dies augeat & cumulet. Mediolani Idibus Martii 1582.
Sig. Carol. Cardin. tit. Sanctæ Praxedis Archiepiscopus Mediolani, & subscrip. M. Antonius Bellinus Cancell.

Die Sabbati 31. Martii. Ante Dominicam Lazari, ad præscriptum Concilii prouincialis quarti fuit proposita, & valuis Ecclesiæ Metropolitanæ, ac aliarum collegiatarum vrbis, & solitis publicis locis affixa tabella per publicos seruitores Curie Archiepiscopalis, literis grandiusculis exarata, indictionis & promulgationis Concilii celebrandi vt supra in Concil. 6.

Die 21. Aprilis Sabbato in Albis, Præpositi collegiatarum, Parochi, & concionatores omnes vrbis, pro processionibus & supplicationibus obeundis, & Missa conuentuali de Spiritu sancto celebranda pro Concilio prouinciali VI.

his literis fuerunt moniti de mandato Illustrissimi Metropolitanæ.

Di ordine di Monsig. Illustriss. Cardinale Arciuescouo, si auisano tutti gli Reueren. Sig. Preuosti, Capitoli, e Parochi di questa Città, che tutte le Domeniche, cominciando dimani, sino al fine del Concilio prouinciale sesto, che si celebrerà alli 10. di Maggio, si ha da fare processione, e cantare le letanie in ogni Chiesa collegiata e parochiale, per impetrare aiuto da Dio in questa attione conciliare: & nel medemo tempo ciasca na feria quinta per questo istesso effetto si harà da dire la Messa dello Spirito santo cantata e non cantata: & occorrendo impedimento di officio solenne, se ne harà da fare la commemorazione secondo il decreto del Concilio prouinciale quarto: e parimente ogni parocho e predicatore di questa Città, in queste tre Domeniche prossime lo raccorderà e raccomandarà alle orationi del suo popolo; esortandolo anco particolarmente per questo à pie, deuote, & instanti orationi, & alla santissima comunione la Domenica immediate auanti esso Concilio. Dall' Arciuescouato alli 21. Aprile 1582. Subscrip. M. Antonius Bellinus Cancell.

Quò verò celebratio huius sexti Concilij prouincialis spiritualibus donis & thesauris magis augetur, & illustris magis foret, Sanctiss. D. N. D. Gregorius Papa XIII. pro sua paterna & singulari charitate erga hanc ciuitatē Mediolani suas pontificias literas Indulgentiæ plenariæ dedit.

De more promulgatoriæ schedulæ Indulgentiæ plenariæ per vniuersam Ciuitatem editæ & expositæ fuerunt.

Quò verò grauiissima hæc conciliaris actio diuino præsidio & auxilio magis communiret, Illustrissimus D. Cardinalis Archiepiscopus orationem sine intermissione primò in Diocesi, literis ad omnes Vicarios for-

neos in hanc quæ sequitur sententiam scriptis indixit.

Episto-